

## **Teänjoogg luõss-šee'ilemkiõld viõ'kke 10.6.2022**

**Luõss-šee'ilemkiõld Teänjooggâst lij puättam viõ'kke tä'bbe 10.6. tää'ssvää'ld presidee'nt ra'vvjee'li kiõlddi kuõskki lää'jj. Lää'jj mie'ldd luõss lij räauhtum da luõss-šeellmõ'sše miärktum šee'ilemneävv kiõlddum ee'jj loopp räjjä.**

Kue'llšee'ilemkiõlddi tuejjummšest veä'r lää'jj vuâstta vuei'tet suudâd saku. Lââ'ssen luõsskâ'dden vâldmõõžžâst suudât rii'kke mõõntemnalla tõt ärvv, kää'tt lää'jje'te'mes kue'llkâ'dden šillum kue'lest lij tõn šlaa'jes mie'ldd. Luõžžâst ärvv lij 3 480 eu'rred.

Loopplaž rä'tkkummuž tän ee'jj Teän kue'llšee'ilem-meärrõõzzin luõžž diõtt vuõžžuš suâppum čârsto'knallšem mõõnu. Kue'llšee'ilemkiõlddi kuõskki lää'jjehtõs õõlgti ee'tti'k-kââ'dd kiõtt'tõõllmõõžž lââ'ssen še vuâđđlää'kkvälljkââ'dd kiõtt'tõõllmõõžž. Hâ't-i kiõtt'tõõllâmprose'ss õuddni jâ'ttlânji, lää'kk ij õsttâm viõ'kke õuddâl kue'llšee'ilempââ'j aalg.

Luõss-šee'ilemkiõlddi diõtt lij kue'llšee'ilem-meärrõõzzid jee'res šlaaji beä'lnn lue'žžjum. 6.5. viõ'kke šõddâm meärrõõzzin vuâtt lookkâd tää'r'kben [mädd- da meä'cctäällministeria teâđtõõžžâst](#). (5.5.2022).

Lââ'ssen joo'tti pââ'j Teän turismmkue'llšee'ilemloo'vi hââ'dd di jiijjâsnallšem kue'llšee'ilemlââ'ppmeä'r mie'r'r Teän čäccõsvuu'd aalgbeä'lnn jâlstei kue'llšee'ilemvuõiggâdvuõđ vuä'mstee'jid leät ra'vvjum riiksuâvtõõžž asetõõzzin. Ni še täin loo'vin ij vuäžž šee'lled luõžž.

### **Lââ'ssteâđaid mädd- da meä'cctäällministeriast:**

Vesa Ruusila, luâttskâättrdemtäällduumšek, te'l. 02951 62051, vesa.ruusila(at)gov.fi

Tapio Hakaste, sagstõõli ve'rğğneķ, te'l. 02951 62152, tapio.hakaste(at)gov.fi